



雲林詩集前序



東吳當元季割據之時智者獻
其謀勇者効其力學者售其能
惟恐其或後而有甘抱清貞絕
俗之態卒閔其用全其身而不
失其所守者非篤於自信不能
也錫山倪雲林先生是焉先生

諱瓚字元鑑雲林其自號也家
坂繞於資玉先生始輕財好學
嘗築法閟閣蓄古書畫於中人
罕跡其所愛寫溪山竹石攻詞
翰皆極古意性甚狃介好潔絕
類海岳翁然尤為自晦區有若
愚駭無似者弃其所蓄如焚履

然卒之扁舟獨坐焚香弄翰以
與漁夫野叟混迹於五湖三泖
間又類天隨子既而

大明麗天六合一統庶今且百
年矣彼之倖功參於一時者飛
馳電迅泯無聲迹之可尋而獨
先生詩畫流落於人世雖片帑

不壺拱壁耽玩之際猶覺清風
灑然使人為之興起噫謂非篤
於自信者能然乎先生之詩僅
嘗見於題詠近得常之荆溪蹇
君朝陽彙粹五七言古律絕句
總若干卷走書

京師俾予評之以傳予謂其清

新典雅迥無一點塵俗氣固已
類其為人然真之陶韋岑劉間
又孰古而孰今也邪大羨玄酒
不和而自醇朱弦疏越一唱而
三歎有遺音者矣朝陽讀書好
義義高先生之誼而重其才寶愛
是集欲傳之無窮真可謂深知

夫詩而樂揚人之善者歟不然
則是編也其不至於湮沒無聞
者幾希故不辭而為之序
天順四年歲舍庚辰菊月既望
翰林侍讀學士奉直大夫直
文華殿雲間錢溥書

重刻倪雲林詩集序

倪先生當勝國之季潔身栖遯孤標
特立昭映巖谷可謂皜然不污抗迹
霞外者矣昔陶淑士書甲子不書元先
生亦不書元張士誠據者江東以偽爵
餌士靡靡然從之先生家蹟林藪不受
其聘後士誠弟士德邂逅先生不勝憤

榜苔之先生不吐一辭此其高類龔繆會
元社將易海內逐鹿者四起先生恐懷
望為罪盡散家財避之三泖五湖不及
於難此其高又賴鴟夷子皮今世家重
先生重次重其詩又次乃重其人是人以
詩掩詩以畫掩世所最重者特先生末
技耳先生詩風調閒逸材情秀朗若

秋河曳天春霞染岫印之可採孰若
可鑿而終不可求之於聲色景象之
間雖虞楊范揭諸公登詞壇執牛耳
非不稱盟主矣然此於先生猶垂棘友
光之視水碧金膏也先生詩有二刻一
為江陰孫大雅序一為嘉善丁錢學士
序皆歲久剝裂不堪吟諷讀者病其

豕魚其八世孫理懼風雅之失傳悼祖
德之無述捐錙授錢煥然後新於是先
生之詩家披戶覽想像其人多登雲
林窺情閱彷彿見其寒松連壑之姿
也刻成問序於不肖者蓋重先生詩畫
而又最重其人借乎生晚不能為之執鞭
竊幸序先生詩獲附於孫錢二君之後

豈非東郭先生所云濫竽者耶先生世
家梁溪之祗陀村子孫迄今不徙號為
名宗理尤好禮多長者之游自其五父
文潤而下世以文學相禪宗人推為白
眉嗚呼先生之高風宜其華曹遙々
哉

萬曆辛卯春正月廿五日王穉登序

倪雲林先生詩集卷之一

荆溪 寒 曦

朝陽編集

八世孫

珵 重刻

四言

義興異夢篇

辛卯之歲寅月壬戌我寢未興戶闔于室爰夢鬼物
黯淡慘慄或禽而角或獸而珉夔足駿奔豕形人立
往來離合飛搏跳擲紛攘千態怪技百出于茲泊然
抱冲守一廓如太虛雲斂無迹晨雞既鳴冠櫛斯畢

涉庭而咏已化奚恤春風惟振亮月在席凋瘁何損
榮華匪益獨以圓悟境無順逆愚夫說夢轉墮迷惑
滔滔天下病者良極傒我大雄拯此羣溺

至正十年十月廿三日余以事來荆溪重居寺
主邀余寓其寺之東院凡四閱月待遇如一日
余將歸廼命大覺懺除垢業使悉清淨乃為寫
寺南山畫已因畫說偈

我行域中求理勝家遺其愛憎出乎内外去來佳止
夫豈有碍依禿或宿御風亦邁雲行水流游戲自在
乃幻岩居現於室內照曾中山歷歷不昧如波底月
光燭眇昧如鏡中燈是火非詒根塵未淨自相翳晦
耳目所移有若盲瞶心想之微蟻穴堤壞輾然一咲
了此幻界

題畫上

義興之山維水瀾瀾載遊載咏操觚挾几聊樂一日
百歲奚俟

五言古詩

春日雲林齋居

詩卷一
池泉春漲深逕苔夕陰滿諷咏紫霞篇馳情華陽館
晴嵐拂書幌飛花浮茗盃階下松粉黃牕間雲氣暖
石梁蘿萋垂翳翳行踪斷非與世相違冥栖久忘返
次韻懷張外史

緬懷蕭閒館乃在華陽天燒香當陽谷濯纓向泉
真靈浮空至樓觀與雲連彈琴明月下飄飄舞胎仙
雨中寄孟集

英英西山雲翳翳終日雨清池散園文空林絕行屨
野性夙所賦好懷誰共語燒香對長松相與成賓主

聽袁子方彈琴

蕙帳凝夕清高堂流月明芳琴發綺席列坐散煩纓
迴翔別鶴意縹緲孤鸞鳴一寫冰霜操掩抑寄餘情

贈天寧福上人

荆溪霜落後銅官日出初自櫛頭上髮更埋篋中書
上人從定起咏言方繞除邂逅發微咲幻身同太虛
十一月十七日過與之洛澗山居留宿忽大雪
作及明起視戶外巖岫如玉琢削竹樹壓倒逕
無行踪飄瞥竟日至暮未已雪深尺餘因賦詩

留別

世途縈荏苒歲晏不知歸
密雪竹林夜挑燈共掩扉
蕭條塵慮淨諷咏玄言微
遇此巖中賞心事悵多違

為方厓畫山就題

摩詰畫山時見山不見
畫松雪自纏絡飛鳥亦閒暇
我初學揮染見物皆畫似
郊行及城遊物物歸畫筒
為問方厓師孰假孰為真
墨池挹涓滴寓我無邊春

奉謝張天民先生

鳴雁將北歸裴回舊栖處
江湖春水多欲去仍回顧

稻梁豈余謀繒繳非所慮
猶為氣機使暄冷逐來去
寥寥天宇寬彼此同一寓
風萍無定踪易散聊為聚
君看網中魚在疚猶相煦

夜泊芙蓉洲走筆寄張鍊師

芙蓉猶滿渚疎桐已殞霜
泊舟菰蒲中吳山隱微陽
因懷靜默士竹林闕玄房
煮茗汲寒澗燒丹生夜光
憶與鄭郊輩閑咏步修廊
時子有所適顧瞻重徜徉
庭下生苔蘚牖間繡詩章
奕勢鄭老勝酒榼郊生將
雅歌雜詠諧列坐飛羽觴
子歸日已晚棗栗亦傾筐

揮手輒謝別暮宿荒城傍遲明趨所期待子鄭公堂
晨往遂至昏企望徒悵悵乃嗟仙真馭固非世所望
惻惻理歸棹泛泛秋浦長還尋甫里陸更醉山陰王
素冠斯馳贈喜知終未忘余茲將遠適旅泊猶彷徨
微風動虛碧初月照石梁曠望對清景賦詩托陳郎
茯苓思同煮夜雨共匡床

蕭閒道館聽袁南宮彈琴是日風雨蕭然有感

而作

玉琴轉清亮風雨更飄颻疎桐蔭高館朱槿耀芳條

生物曷可遏撫事發長謠弱齡陪清讌櫛髮想垂髫
相見日以老離居夢且遙秋江眇雲水去鶴影搖搖

送高太守之秦郵

秦漢置牧守猶古之侯伯封建而郡縣仁政固不易
漢宣知所本留意二千石慎哉高侯車願循古轍迹
蕭閒館夜坐

隱几忽不寐竹露下泠泠青燈澹斜月薄帷張寒廳
躁煩息中動希靜無外聆宵然玄虛際詎知有身形
和荅吳寅夫對雨見懷

言卷一
五
溽雲變陰晦零雨隨風濤的皪集蓮池飄颻洒蘭皋
朱絲緩瑤瑟綠錢生寶刀撫事增慨慷端居倦遊遨
處世每慚柳懷人徒詠陶脆質愛靈藥閒情宣弱豪
走筆次陶逢韻送葉叅謀歸金華

手把玉芙蓉青天騎白龍出入人間世飛鴻踏雪踪
瑤草粲可拾羣峰森玉立璧月挂天南離離星斗濕
君昔在山時玉韞山有輝因同白雲出更與白雲歸
白雲無定處豈只山中住河漢共縈紆經天復東注
金華牧羊人游戲不生嗔咲拂岩前石行者海底塵

手調白羽箭陋彼磨銅硯一語不投機歸歟寧再見
士豈始隗乎全趙匪相如項王疑亞父竟爾龍為魚
擾擾何時已百年聊寄耳良也報仇歸言從赤松子
去山今幾年還山大學仙天台司馬宅雲氣近相連
雙寺精舍新秋追和戎昱長安秋夕

秋暑晚差涼茗餘眠獨早清風振庭柯寒蛩吟露草
晨興面流水西望吳門道不知人事劇但見青山好

偶成

積雨不為休蕭條使人愁哀吟四壁靜病卧百虫秋

開門望原野江湖漭交流誰能載美酒為我散煩憂
次韻曹都水

杜陵布衣翁許身稷禹行賦詩原正始感事多哀傷
煌煌萬丈燭岌岌數仞墻君能仰餘輝假日尚升堂
施擔息荒途日莫將安之挾彈狂遊子閉雞輕薄兒
眾方巴人唱獨歌陽春詩天門何嚴邃綠窓隱呆魚

贈錢鍊師

鍊師好神仙望拜金母臺疊疊應玄運煌煌秀靈菝
天風流瓊響夕露調玉盃鳳栖池上竹雨添堦下苔

時見兩青鳥碧海傳書來感此忽自咲飄然遺氛埃
送甘允北上京師

翔鴻縱高姿流水去不息枉道別友生揚舲望京國
婉孌前途憇蕭條餘景匿神京衣冠會左右金陽宅
驅馬流星繁垂軒春霧集嘉子玉質朗早通金閨籍
行逢明主顧入補詞臣職束帶向晨趨陪讌終日昊
芳年易為晚所願崇令德英英白雲飛渺渺青山隔
秋風應節起萬里思親客遲子返舊居啣盃數相覲

寄段吉甫

昔者段干木踰垣避其君冥翳巖穴間清風扇炎氛
德綿百世下吉甫賢且文神鸞養竒采芳芷結幽芬
回視當世士雞鶩正紛紛區區事夸效子獨介不羣
舍瑟作而嘆此道誰復云

送章鍊師并寄鄭有道

良覲忽云阻桐花今亦繁落日滿洲渚揚舲念孤騫
因懷息機叟蘊真從灌園晨掃石上雲佇子接清言

玄文館讀書

玄中真師在錫山東郭門立靜舍號玄文館幽處

敞朗可以閒處至順壬申歲六月余處是兼旬謝
絕塵事游心澹泊清晨櫛沐竟遂終日與古書古
人相對形忘道接修然自得也又西神山下有好
流水而味甚甘冽與常水異館去西神山遠不出
五里故得朝夕取水以資茗菴之事居茲館讀書
研道之暇時飲水自樂焉乃賦詩曰

真館何沉沉寥廓神明居陽庭肅宏敞丹林鬱扶疎
睠言茲遊息脫屣榮利區檐榱初日麗池臺涼雨餘
焚香破幽寐飲水聊舒徐潛心觀道妙諷咏古人書

言卷一
懷澄神自怡意愜理無遺誰云黃唐遠泊然天地初
迴首撫八荒紛攘蚍蜉如願從道遙遊何許崑崙墟
述懷

讀書衡茅下秋深黃葉多原上見遠山被褐起行歌
依依墟里間農叟荷篠過華林散清月寒水澹無波
遐哉棲遁情身外豈有它人生行樂耳富貴將如何

題驪山圖

校獵上林苑洗馬昆明池霜威肅笳鼓雲氣畫車旗
馬班陳賦咏衛霍綏蠻夷王風既未遠文明方在茲

逶迤霄漢上鳳皇凰尚來儀

蛛絲網落花

落花綴蛛網蜀錦一規紅既暎綺疏外復照碧池中
含悽戀餘景散魄曳微風昔人問榮穢詎識本俱空
冬日窓上水影

日池浮湛澹霞牖上縈迴敷腴三素雲照耀青蓮臺
高流輝自下含漪歛復開尸坐以默觀靜極自春回
雪泉為王光大賦

高齋面絕壁林密逕難尋風落松上雪零亂幽澗陰

皓潔映鶴整清圓和瑤琴閑咏以自樂聊用忘華簪
丙子歲十月八日夜泊閭門將還溪上有懷友
仁陸徵君

明發辭吳會移舟夜淹泊空宇垂繁星微雲暝前郭
沉沉抱冲素悄悄傷離索歸掃松逕苔遲君踐幽約
聽袁負外彈琴一首有引

至正四年十一月袁負外来林下爲留兼旬臘月
十七日快雪初霽庭無來迹與僕靜坐因取琴鼓
之古音蕭寥如茂松之勁風春壑之流水負外時

年八十有二顏貌筋力未如四五十許人爲言甫
弱冠遭逢盛明初宰當塗過九華山道逢神人與
棗食之後數數見夢寐間若冥感玄遇者負外韜
耀蘊真仕祿以自給不爲人所知豈郭恕先之流
歟爲賦五言一首

郎官調綠綺谷雪賞初晴兩忘絃與手流泉松吹聲
問言喻八十云嘗見河清挂帆望九華神人歛相迎
啖以海上棗歡愛若平生玄遇寧復得惜哉遺姓名
早春對雨寄懷張外史

林卧苦泥雨憂來不可絕
披帷望天際春風吹木末
飛蘿散成霧細草綠如髮
念子獨高世南山修隱訣
撫弄無絃琴招邀青天月
神安形不凋跡高行自潔
思之不可見飢渴何由歇
願為鸞鵠翔南遊拂松雪

懷寄強行之常州學官

君在西溪上年年楊柳春
提壺坐柳下邀我見情真
青葉已垂帶白花還覆蘋
別來今見柳思爾采芳芹
三月六日同李徵士遊禪悅僧舍禮上人出柯
博士所賦詩以示僕而博士君歿已二年展誦

為之悽斷因次第其韻於後

佛生七佛後乃知青出藍
寒月留孤光世人徒指談
嗟余墮狙納朝暮逐四三
悲嘆明鏡塵何由息禪龕
戊寅十二月丹丘柯博士過林下賦詩次韻酬
答

積雪被長坂卧痾守中林
山川雖云阻舟楫肯見尋
傾蓋何必舊相知亦已深
驚風飄枯條清池冒重陰
聯翩雙黃鵠飛鳴綠水潯
顧望思鬱紆裴徊發悲吟
願言齊羽翮金石固其心
歡樂何由替黃髮期滿簪

已卯正月十八日與申屠彥德遊虎丘得容字
余適偶入城本是山中客舟經二王宅弔古覽陳迹
松陰始亭午嵐氣忽歛夕欲去仍裴徊題詩滿苔石
古詩二首奉送友仁賢良之京師

春風吹蘭蒞佳人將遠遊遠遊何當還神京鬱雲浮
睠言英邁志飛轡不可留豈無金閨彥與子結綢繆
河山風氣雄江水日夜流遙瞻雲中雁庶以慰離憂
吳山朝靄外閭門春雨餘超忽孤帆遠天末浮雲舒
君今北闕遊我栖南山廬荷鋤事耕作閉戶詠詩書

高林鳴禽曙青苔行迹踈還期茅簷下一枉故人車
江陰袁仲徵作軒名篔簹林日夕嘯咏其下至正
十二年二月廿四日訪余南蘭陵寓舍徵僕賦

詩遂走筆成書不能盡道軒中清事九也

風生篔簹谷雲迷渭水原蕭蕭春雨後翳翳清陰繁
憶昔文使君燒筍具盤飧彭城詩適至大啖飯為噴
風流成異代寂寞今誰論夫君暨陽隱字徵其姓袁
二仲接俸遊子猷時到門冠同薩縣製坐對耳城尊
翠羽共栖託鳳雛亦孤騫載誦偃竹記忽若聞清言

詩卷一
三
邈哉古人跡尚友不可謏

杜真人聽松軒

計籌白石頂聞有丹丘生和王飲晨露褰林飡絳英
止鶴眠松警螢火照書明為善得仙道翛然不近名

凝陰常侍一首奉寄劉秘監趙貞外

幽并游俠地都城百雉連河漢瞻疑近雲鳧信是仙
樓分霞欲曙花將月共妍摘豪傾藻思獻賦足為傳
還知跨烏鵲夜宿綵雲邊

玉壺中挿瑞香水仙梅花戲咏一首

寒梅標素艷幽卉弄妍姿團團紫綺樹共耀青陽時
折英欲遺遠但恐傷華滋置之玉壺水芳馨消歇遲

秋夜賦

清漏下數刻踈鐘仍獨聞零露溥夕影端居澄俗氛
恬淡斯寡欲榮名非所欣樂矣咏王風忘年栖白雲
述懷

嗟余幼失怙教養自大兄厲志務為學守義思居貞
閉戶讀書史出門求友生放筆作詞賦覽時多論評
白眼視俗物清言屈時英貴富烏足道所思垂令名

詩卷一
大兄忽捐館母氏繼淪傾慟哭肺肝裂練祥寒暑并
釣耕奉生母公私日侵凌黽勉二十載人事浩縱橫
輸祖膏血盡役官憂病嬰黽勉事污俗紛攘心獨驚
罄折拜胥吏戴星候公庭昔日春草暉今如雪中崩
寧不思引去緬焉起深情寔恐貽親憂夫何遠道行
遺業忍即棄吞聲還力耕非為螻蟻計興已浮滄溟
雲霾龍蛇噬不復辨渭涇邈邈岩澗阿靈芝燁紫莖
有志而弗遂悲歌歲崢嶸冶長在縲紲仲尼猶亟稱
嵇康肆宏放刑僂固其徵被褐以懷玉天爵非外榮

賤辱行豈玷表襮徒自矜蘭生蕭艾中未嘗損芳馨
泊舟一首

泊舟嘉樹下開牖碧江濤慨然念黃落景憇惜清陰
多暇觀魚鳥容與一登臨蛻迹塵喧久欲寡天機深
贈王光大

春服始輕體嘉樹欲垂陰夫樹結秀色江流涵碧深
晴絲正高下好鳥亦嚶吟豈無伐木詩怡此風雩心

次韻答友生

處世若過客踽踽行道孤願友吉德士邈焉如鳳雛

詞卷一
人而無恒心米易為醫巫往者不可作玉匣埋珠襦
枳棘何榛榛上有鴟梟呼維桐鸞栖止來匪應時需
卓犖千里馬壯氣塞九衢駑駘豈其偶齷齪當鹽車
龍可豢而致魚鮪固克厨未聞商山翁受廛稅以租
俗人難與言長吟野踟躕青松在澗壑坐閱霜柳枯
所嗟鄭亂雅復惡紫奪朱至道安可言多金豈徵符
忽為璧墜者憔悴悲路隅簞瓢咏王風耿耿心勤劬
次韻姑蘇錢塘懷古
西子承吳寵餘踪見古臺空遺昔時月無復昔人來

臺邊越兵路幾見起兵埃

釀酒劍池水玉壺清若無揮盃送落月山鬼共歌呼

松間燈如漆白骨漫寒蕪

耕鑿古隧穿乃吳桓王墓金雁隨冷風黃腸畢呈露
悲歌異今昔踟躕緩歸步

仙人悲世換宴景在清都寒暑自來往英雄生釣屠
錢唐江畔柳風雨夜啼烏

江山國破後弔古一經行輦路苔花碧御溝菰葉生
古跡今寧有新城江上橫

言卷一
南山靈石澗翠壁掩松關張君已厭世乘螭遂不還
蘿磴餘幽躅今復誰躋攀

贈惟寅

隱几方熟睡故人來扣扉一咲無言說清坐澹忘機
衣上松蘿雨袖中南澗微知尔山中來山中無是非
三十不娶妻四十不出仕消搖岩岫間翳名以自肆
何曾問理亂豈復陳美刺高懷如漢陰終老無機事

送惟寅

春江烟靄綠遠樹明清旭歸雁影斜斜鳴聲斷復續

陳君挂帆去侶與雁相逐水際白雲度山中甘雨足
安得從耦耕柴門藝松菊去去且入城懷抱向誰傾
姚公有古道虛夷多遠情俾尔遂高隱狂歌樂幽貞
貞松白雪軒分韻賦

至正二十三年正月廿日句吳倪瓚與某某會於
貞松白雪軒其地林石竒勝窓牖明潔軒中主人
又好文尚古有文武材款坐設酒饌相與嘯咏以
小謝雲中辨江樹分韻各賦瓚得辨字

境靜塵慮清雨餘山光變池館闕虛閑琴酌申繾綣

蔚哉春木榮憇我飛翮倦石間有題字苔蝕已難辨
對春樹

端憂對春樹影落身上衣美人手所戒紉縫顏無違
步庭悲往躅瞻景惜餘暉芳襟沾露濕蘭珮委風微
凝思自的的染澤尚依依晨雞催夢短夜鵲逐魂飛
歡愛自茲畢憔悴損容輝

送致用游閩

韓衆禹穴來語我長生訣偶坐聽春雨雨止即言別
乃知茅君山貞居相往還山經許寄我依依師友間

貞居登真久識子十年後掣箱出遺文猶作蛟鼉吼
子去遊七閩漁浦桃花春白鷗飛送爾停撓採綠蘋
幔亭幾日到言咲邈無因憑將棹歌去歌向武夷君

送馬生

送子淮南行繫舟江岸柳翠影舞晴烟落我盃中酒
舉杯向落日春水浮天碧時見白鷗飛雪光翻綺席
應咲披羊裘獨釣江邊石

寄楊廉夫

吳松江水春汀洲多綠蘋彈琴吹鐵篴中有古衣巾

言卷一
十七
我欲載美酒長歌東問津
漁舟狎鷗鳥花下訪秦人
寄李隱者

南汀新月色照見水中蘋
便欲乘清影緣源訪隱淪
君住鈿山湖綠酒松花春
夢披寒雪去疑是剡溪濱
寄韓介石

江上雨雲歇夕陽歌吹濛
朱絃彈綠綺令我憶韓衆
魚戲弱藻下鳥飛明鏡中
夢乘清浦月直過雲溪東
次韻呈張德常

陶公興寓酒杜老愁亦酌
豪傑千載人處世何磊落

吐詞蔚忠義安貧務簡約
嗟哉喋腐鳥邈矣鳴皋鶴
朱火

朱火日方永涼風拂琴絲
麋鹿遊臺苑燕雀悲火帷
蕩然京輔地無復漢官儀
衆芳曰蕪穢陰凝方自茲
黃本中書齋為寫寄傲窓圖

庭樹綠交蔭時鳥語清綿
春竹羅廷筍夏花敷沼蓮
慨然三季後契彼羲農前
古井汲脩綆空齋絙素絃
長歌歸去來悟悅陶公賢
終尋桃花崦息景窮幽玄
為徐有常畫葉湖別墅

葉湖水淪漣松陵在其西望見吳門山波上翠眉低
白蘋晚風起寒烟遠樹齊水蕉籠筆格露柳罩金堤
居貞寧汲汲旅泊自栖栖屏處觀魚鳥風雨夜烏啼
寄穹窿主者

山雲淡縱橫幽鳥豉上下寂寥非世欣自足怡靜者
平生卧遊趣屋壁何勞畫還期煮茯苓地爐同夜話
題原道西溪草堂

春水孤村迥荆溪菴畫西晚日鳴榔起山雨竹雞啼
櫻桃花已落蘼蕪綠未齊酒船尋賀監早晚到幽栖

煮石山房

汲澗煮白石雲栖南澗隈敲石發新火荆薪藉餘灰
坐候升降理靜觀寒燠媒遂忘石鼎沸乍疑山雨來
丹成同此術鶴化詎能猜我亦飡金液清淺咲蓬萊
畫竹贈以中

吾友張以中少年如老翁因過修竹裏邀我碧巖東
琥珀松醪釀玻璃茗碗紅子端今已矣千載事同風
題墨竹送顧克善府判之高郵

高郵古淮甸世產不乏賢顧君往佐郡才華當妙年

歌詩隱金石八音以相宣侈哉錦囊句雅甚朱絲絃
而此艱虞際撫事一愴然饑者易為食君能念顛連
何以贈子行墨君霜節堅

入郭

我初來城郭新綠餘薔薇今我既出郭秋蓮落紅衣
郊居豈為是市隱勿云非去去將何從西山行路微
塵空夸昆海游潛四月餘賦歸亦無家塊處蝸牛廬
身世一逆旅成虧紛疾徐反身內自觀此心同太虛

聽錢文則彈琴

牛鳴野窳中雞登山木上黃鍾雜姑洗春容以清亮
別鵠暮鳴飛流水春演漾愛爾絃手忘令我形神暢
憶昔擅能事宋袁余所向錢君生獨後超軼絕塵軌
操琴晚聞道月斧揮天匠杳如清廟瑟朱絃聽歎唱
古道久寂寥古音亦淪喪促軫淚沾纓歌詩重悲悵
題畫贈岳道士

義興岳道士野鶴如長身我知彌明徒不是侯喜倫
結喉吟肩聳鐵脊霜髯新手中石碁子頭上漉酒巾
久居離墨山自謂無懷民喪亂不經意松陵留十旬

香雲作輿衛長松為主賓既滋數畦菊復種二畝芹
樂哉以忘死道富寧憂貧為我具舟楫相期桃花春

贈王仲和

荒城夜風雨草木曉離披桂馥連虛牖苔文滋硯池
美翰聊寄逸永日以自怡且盡一日樂明朝非所知
訓張德機見贈

嘉藻枉我前令人意也消展詠當前除清陰起涼颼
出何去巖穴隱何逃市朝仙師赤城霞旦旦存神標

贈張士行

雲門有逸客非仕亦非隱玉井千尺泉此士難汲引
結交雲林叟不顧俗嘲哂我拙唯任真子德常戒謹
相知既有素力學仰顏閔久別見顏色英資固天稟
欲踈不能忘欲褻不可近

贈友生

春林積雨晴江渚烟波綠谷鳥語綿蠻澗泉聲斷續
蘿逕無來踪空山聞伐木時援清琴坐還同白雲宿

九日過彥行用韻一首

蕩舟烟景晚舉盃當素秋黃花忽在眼白髮乃滿頭

詩卷一
臨流發悲嘆援琴歌楚調罷席更淹留明月波間照
何事鹿皮翁逃名隱屠釣

又賦

九日喜初晴登高向何處山色見微茫波光淡容與
鼓枻逐輕鷗看雲覓新句適值無懷民相對澄神慮
畫竹贈徐季明

梓樹陰當戶時聞好鳥鳴獸携一壺酒展席坐前楹
招邀白鶴侶吹弄紫鸞笙杳杳日景晚紛紛飛絮輕
風翻竹影亂明月已東生

對酒

題詩石壁上把酒長松間遠水白雲度晴天孤鶴還
虛亭映苔竹聊此息躋攀坐久日已夕春鳥聲闐闐
贈野處民

水聲轉屋西山翠浮屋東床前苔滋雨門外松吟風
怡然無外慮心廣神為克曲肱以飲水至樂在其中
擊壤歌往古寧知事王公

龍門茶屋圖

龍門秋月影茶屋白雲泉不與世人賞瑤草自年年

詩卷一
上有天池水松風舞淪漣何當躡飛鳥去來池中蓮
靈鶴辭

陶公職仙署子良亦冥通所修楊許業存思在祝融
周卿宅丹元末胤仰仙宗神明接祈禱虛夷恒恪恭
飛霞煥玉檢流響徹金宮白鶴翔香烟僊僊載冷風
舞影綠雲上命侶青田中晨去瑤草春莫歸海塵濛
真靈忽降室羽車儼浮空步虛酌明水逶迤清夜終

畫贈呂志學

江雲昏絕巘汀樹猶斜陽獨立霜柳下渺然懷故鄉

歸來茅屋底篝燈寫微茫

畫竹贈志學

綠竹飽霜雪歲寒無荏容風至天然咲復愛夏陰濃
寒暑不能移德比柏與松豈若桃李榮春花但丰茸
答張鍊師

安居已度夏卧病乃經秋朝茵悲影短風萍歎波浮
寸田勤自治德宅可歸休慎勿與時競心境似虛舟
畫竹寄友人

先春競桃李凌陽歎蒲柳謝君靜者徒種竹安所守

詩卷一
三十三
亭亭清淨心鬱鬱霜雪後賦詩寄遠懷此君真可友
陸德中祈雨有感

辟穀清虛久晨窓飡絳霞濯神咸池水宴景舟元家
憂國悲民瘼旱郊起雷車枯魚出涸轍槁苗生稻花
我住清江渚種芹逸江沙忽乘蓮葉杯賤我仙掌茶
擬訪安期生為覓棗如瓜

卧病

早憂命觴筭暴下忽經旬止酒卻腥腐端居謝喧塵
麤穢除內滯清虛以怡神江雲載飛雨飄飄洒衣巾

矯首詠玄虛精思候仙真道園遊恬淡心兵息狂狷
泠然風濤靜鼓柁銀河津戒哉貪饕子病源果何因
次韻全希言

卧病久不懌微瘳起行吟逕苔無來迹出門江水深
懷我平生友金蘭契同心欲共一尊酒道遠力不任
有客闖我戶晤言樂中林飄蕭綠髮仙亦見雪滿簪
取琴與子彈悠悠山水音能成伐木詩歌以慰所欽

次韻張伯琦

長嘆悲人寰彈琴想天際夏殷禮相因孰謂周可繼

天道久榛蕪高才日凌替遺書歎不泯授受豈有二
鄒孟道性善宅路喻仁義後生事言說慨彼涕沾袂
允矣二三子仰鑽互立志松柏受命獨歲寒鬱蒼翠
誰歟無媿作夙駕尋吾契

酬友生

擁褐南榮下晨暎煖似春忽思王子晉醉著白綸巾
游宴無冬夏清狂忘主賓能持麀鹿脯寄與不羈人
贈陸有恒
學行美德業孝弟為本根朝益以暮習夏清而冬溫

無逸勤稼穡幹蠱持戶門勿為習俗流必念古義敦
謹身尚節儉從善報蘭蓀堯舜雖有子朱均乃淫昏
瞽鯀何頑凶子也大聖尊蓮固生汙泥木可為犧樽
簡編蝨蟬出各有至理存惟人異禽獸暴棄湮其源
惟學必由本根深見枝著于何繡鞶帔外飾奚足論
安宅正路間爾居行爾轅斯道邇且易至樂不可諉
尋友人不遇

洲渚多落英沂流尋遠山輕舟載美酒搖蕩綠波間
俯詠拾瑤草遐思隘塵寰寅緣忽失遇悵望遂空還

啄木

何處啄木鳥飛止于喬林微形亦以勞終日聞其音
所類木向茂不使蝨日侵吁嗟人之徒曾不如鳥心
次張仲舉韻

秧疇蒔已遍午饑休中林忽聞軺車至攬衣欣慨深
遂尋修竹下共憇西澗陰汲泉以煮茗遐哉遺世心

薛常州讓田詩

延陵古吳地泰伯有遺風仁讓自家國士民知孝忠
春暉草心碧日暮荆花紅為感使君政嗟時誰與同

贈友

父子相師友周南義理門阿翁如玉潔賢嗣似春溫
舍後自生笋堂陰亦樹萱西山近在望靜默以忘言

潘公鳴皋軒

白鶴稟靈質翩翩有竒姿海月比高潔岩雲共逶迤
池上菖蒲花春烟紫綏綏飛鳴聊飲啄乘風來下之
我登鳴皋軒遂賦鳴皋詩安得赤玉鳥鶴上吹參差

西老圖

弔古歎流俗高人陳太丘開窓玩蘭雪邀我畫瀛洲

池上賦清 林間 遠遊悠然遂永日下榻更淹留
為張耒儀賦匡山讀書處

廬山鬱岩堯上有香爐峯影落碧天外翠玉琢芙蓉
牽蘿讀書處雲磴無行踪猶遺石岩苔花開紫茸
愁心飛春雪寶劍沉雙龍應化蘇耽鶴歸棲千歲松
仙岩採芝叟久別倘相逢

吾友陸友仁甫舊得古銅印一紐以示余辨之
文曰陸定之印以名其子而字之曰仲安友仁
既沒仲安求為賦焉

吾友伯仁甫覽古閔世盲示我古印章始得自幽并
辨之曰定之釋義為爾名既名字曰安勗哉在敬誠
仁甫今則亡緬懷涕沾纓繫昔黃太史結交漢米生
手持玉刻文螭紐交縱橫上有元暉字印刻與弗輕
殷勤字其兒祖武冀可繩久矣學業懋繼述暉芳英
書畫比二王價重十連城高躅思仰止景行爾其行

惻惻行

三月十五日陸玄素將從梁鴻山歸吳松之上是
夕坐至夜分始別余入舟賦此追至梁鴻山寄之

以定及冬重來之約

惻惻復惻惻憂思從中發感子遠來訪畏子遽言別
不有同心人何以慰孤寡矧茲春夏交蕭艾盈路側
江水亦浩漾風帆還飄突行將阻携手轉覺意忽忽
交好匪在今高誼敦自昔人生寧無別所悲歲時易
坐嘆辛夷紫還傷蕙草碧僕夫竊相告怪我悲憤塞
山中梁鴻栖江上陸機宅并曰今蕪穢鶴唳亦寂寞
余往經其壩徘徊但陳迹天地真旅舍身世等行客
汎汎何所損皎皎奚自益修短諒同歸數面聊懽懽

瞻雲軒

金君伯祥名其先君墓左之室曰瞻雲軒蓋以寓
夫孝思油然而義也若夫父祖之魂氣精神其昭
合感通之妙齋思則如見敬祭則來格開牖則天
光臨鑿池而泉脉動洋洋乎如在其上如在其左
右者雲豈足為喻哉於是廣其義而為之詩曰

白雲起石上迅逸如迸泉汎演乎林莽飄颻乎山川
飛霞共聯絡凱風與周旋開軒滌遐想我思何綿綿
顧瞻忽在茲亦復停披焉卷舒無定理變幻徒縈纏

興念松下塵若承鶴上仙空花結浮翳百態交我前
戚欣從妄起心瞽然當識太虛躰勿隨形影遷

張尊師祠醮感致瑞鶴

我識白雲君尚友赤松子仙署閔清巖社公隨役使
步虛禮初日飛神謁鈞天時有五白鶴飛飛遠香烟
手栽千樹桃風吹劫灰盡避世星壇西深竹聞清磬
倏來密霧集忽逐冷風還窓裏遺瑤瑟空中鏘珮環

題趙若巖龍山精舍

我生倦馳騫無機如漢陰重遊古蘭若對山開我襟

風流李謫仙賞靜諧夙心琅然哦新詩如聞大雅音
回首石林晚白雲花雨深

池蓮詠

迴翔波間風的歷葉上露清池結素彩華月映微步
雲陰花房斂雨歇芳氣度欲去拾明璫踟躕惜遲暮
送陳惟允之金陵

雪消江水綠花發冶城春白下烏衣處輕舟去問津
指日望京國行歌非隱淪好及三釜養歸來以榮親
徐氏南園對雨

言卷一
二十九
櫻桃花欲落風雨暮悽迷忽憶郊園日竹林通磗西
弱夢滋野援蘭葉長芳畦念我當時友蒿萊沒舊溪
題畫贈九成

故人郊掾史邀我宿溪舫把酒風雨至論詩烟渚前
晨興就清盥思逸愛春天復遇武陵守共尋花滿川
至正十二年三月八日冒風雨過九成荆溪舟中
劉德方郎官方舟烟渚留宿談詩明日快晴移舟
綠水岸下相與嘯咏仰睇南山遙瞻飛雲夾岸桃
柳相廁如散綺霞掇芳芹而薦潔瀉山歌而樂志

九成出片紙命畫眼前景物紙惡筆九固欲騁其
逸思大乏騏驥康莊也歐陽公每每云筆硯精良
人生一樂書畫同理余亦云焉時舟中章鍊師岳
隱者對奕吳老生吹洞簫

早春對雨寄張外史

林卧對雲雨憂來不可絕褰帷望庭際春風動林樾
飛蘿散成霧烟草綠如髮不見高世人饑渴何由歇
神鸞戲玄圃巨鱗偃演渤爾亦碧巘中遁形修隱訣
燒香庭竹淨洗研池苔滑取瑟和流泉操瓢酌明月

跡高行亦苦，冰蘖忌芳潔。何當往相尋，拂石栖松雪。
正月廿五日賦

春岸生蘼蕪，春風生蘭茝。夢見平生歡，美人今何在。
丹槁玄以白，忽忽容髮改。憂來誰能整，憂來誰與解。
貽張玄度林宗道

蕭條風雨秋，沈寤窓牖晚。故人山中來，杯酒意勤懇。
歛眉念乖濶，握手話情悃。千載鶴怨悲，九時蓬萊尊。
市脯良不易，枯魚雜乾饌。浮雲幾番覆，人事匪余忖。
得時寧足誇，失勢焉用憤。荆溪立壑多，松水饒芝菌。

結茅駕屋，广雲稊且安。穩夏清冬，奧煥何事鍾與畚。
逐逐闐闐游，戚戚塵俗混。張子邃古學，林君業務本。
達人解其會，畧近宜志遠。鍾氏曷仇祗，司馬亦藉阮。
鹿遊姑胥臺，鳥下長洲苑。麻姑固狡獪，蓬萊歎清淺。
七秩吾已老，一簣君宜勉。後會未可卜，作詩陳繾綣。
七月廿四日風雨寂寥，與玄度集宗道南窓具酒肴宴談，遂以永日因賦。

次韻別鄭明德

思君阻言咲，三歲同一日。既見令人怒，不見令人憶。

言卷一
三十一
揮觴縱譁浪抗論殫今昔世方雜涇渭已乃忘得失
饒涎飫甘美醉眼亂朱碧少逢人眼青每遇俗眼白
不隨世混混自喜心得得講學日光輝蓋性久循率
不意吳市門尚復有此客茅齋素壁上佳句手自摘
楓林已搖落梅蕊尚未折吁嗟歲云暮感歎終日夕
殘生能幾面念此氣填臆富貴真可羞功名竟何物
世事蟹登斷危機猩着屐翁乎善自守
躰保寧謚
去去勿重陳且復混玉石

重改春日雲林齋居

臨池春流駛掃地入陰滿正襟味道言超遙坐溪館
嵐嶺當書榻煩襟一舒散靡靡松花黃逐逐雲氣暖
石梁青苔合於焉人迹斷故非與世踈冥栖遂忘返

倪雲林先生詩集卷之二

荆溪 寒 曦

八世孫 理 重刻

七言古詩

送徐君玉

閩江之水清漣漪隔江名園多荔枝閩中女兒天下
白越波飛檣逐鳧鷖棹歌清綿洲渚濶蕩槳落日令
人悲蠻烟怪雨忽冥密蔣芽蒲葉相參差此中勝事
不為少徐郎遠遊牽我思

寄張徐二秀才

東膠山麓繚修阻春水鳴渠竹滿園玄真棲遁樂耕
釣徐孺風流存子孫適我騎犢詣其處荷尔作黍留
清言夜闌把燭竟歸卧烟草蝶飛勞夢魂

十二月七日岳季堅夜坐走筆書贈

僧扉共卧風雨夕岳生清真何太顛持家有弟足自
慰無錢沽酒殊可憐梅蕊衝寒愁欲破燈花惱人故
生妍孰知旅枕作孤夢周處廟前行買船

為曹僉事畫溪山春曉圖因題

荆溪之水清遶漪溪上晴嵐紫翠圍連舸載書烟渚
泊提壺入林春蕨肥身遠雲霄作幽夢手栽花竹映
竹扉磯頭雪影多鷗鷺也着狂夫一浣衣

奉道曹文貞公墓道奉先亭

奉先亭子山之陰雲氣低回何處尋烏啼隧道風林
靜蘚剥龜趺雨溜深故老猶言前日事鯁生謾感二
毛侵河山流峙英靈在世事紛紛一短吟

古意一首次韻荅曹德昭

齊王好竿客鼓瑟操瑟何以干齊門古人結交多豪

傑况爾封君之子孫王國陳詩終大雅楚俗尚鬼悲
招魂相思日暮不可見鴻飛冥冥目力昏

歲己酉八月十四日寓甫里之野人居劉君元
暉邀余酌酒快雪齋中對月理詠因賦長句

涼月紛紛疑積雪凝暉散彩白於銀此時猷酌開軒
坐便欲剡溪尋隱淪爾營茅齋名快雪我醉行吟踏
秋月河漢無聲風露寒心境泠然一潔

劉君元暉八月十四日邀余玩月快雪齋中命
余詩因賦

卷簾見月形神清疑是山陰夜雪明長歌欲覓剡溪
戴悵然停杯遠恨生爾營茅齋名快雪邀我吹笙弄
明月明星如銀浮翳消垂露成帷桂花發酒波蕩漾
天河傾笙聲嫋嫋秋風咽古人與我不並世鶴忘鷗
情迴愁絕

苦雨行

孟秋苦雨稻禾死天地晦冥龍怒噴南隣老翁卧不
起漏屋濕薪愁殺人白云今年八十剝力農一生茲
始病兩逢赤旱三遇水租稅何曾應王命吾今寧免

身為魚死當其時良可吁

延陵道

延陵道去國千有餘里民風質直昔季子攸居義興
其屬邑過百里而遠麗于南隅民當西晉有周處肆
勇閭狠於鄉閭人皆以為患父老揚言其非一朝發
憤易行忠孝俱其改已千載民今仰而祠茲亦余之
隣邑也春服始成來游而來娛武逢劉公揚驥踟蹰
酌山之泉瀹渚蒲相率奠拜步趨檐如歎咏而去方
舟載塗錫山之陽其水舒舒山氣磅礴而敷腴上升

為雲雨彌滿乎九區厥土沃若君子于以田鮒公度
中流揚揚其旗載挹載注原茲古初睠此平墟實太
伯所都夫子所謂至德也已矣吁嗟逝水百世下聞
其護者尚敦乎薄六

餘不溪詞

開玄館在餘不溪濱距溪無百步上清王真人所
立溪流冬夏盈演玉光澄映與他水特異故為名
焉庚午歲春因市藥過浙江趣便道將歸梅里俯
斯水而悅之泝流閒咏盥濯平津顧瞻壇宇近在

東麓遂舍舟造其下真人為出酒脯燕囁巖洞竟
日乃返悠悠徂歲忽已十有七寒暑矣余既為農
畎亩身依稼穡徭邇政繁奔走州里欲為昔遊其
可得乎鍊師下騫物表閒情夷朗周覽宇內將還
真館余因仿像疇昔之所覩極道山之清婉追賦
短章以餞斯別若夫超踪溷濁逍遙玄邁蓋深志
於是矣覽而咏言能無動悲慨乎

餘不溪水綠上賞放舟演漾當青春舟隨鶴影忽行
遠洞口桃花飛接人雲松蔽虧烟蘿席儼在溪東之

石壁羽人垂示坐鼓簧饋我晨飡芝菌香徒茲更發
洞庭渚濯髮咸池臨故鄉

餘不溪水涵綠賓微風吹波感龍鱗看山蕩槩不知
遠兩岸桃花飛接人溪迴路轉松風急竹林華房霞
氣濕忽逢道士頽而長疑是韓國張子房相期飄拂
紫烟裏下攬滄溟浮玉觴

醉題許生敗壁

生有破屋山西村風雨不出卧衡門藁書其間讀且
溫客來輟書就琴樽寂寞古道安可論

陸隱者禱雪獲應

紇干山頭黃草枯
年年雪苑大如掌
春風草綠牛羊蕃
誰為祈禳復誰賞
南雪由來到地消
今年冬暖知為天
民間禱雪誠希有
旱禱桑林聞昔謠

醉歌行次韻酬李徵君春日過芝堂賦贈

昔聞杜陵之茅屋
汀花冥冥汀樹綠
舊題新詠荅年華
種朮行椒繞山麓
石床丹竈青琅玕
春渠泝水夜潺湲
當年寶劍淪黃土
空餘山月照波間
今我不樂懷往古
短世紛紛誰比數
花下欣逢李白來
山鳥溪

童亦歌舞酒酣長
嘯五情熱軒冕何榮
築巖說邈然抗節
餓首陽何異佯狂
抱貞潔君歌已竟
歌我詩賢愚榮悴
百年期少文豈慶
壁間畫老疾何來
難命駕仰禮翁忽浮
雲馳安得乘螭與
雲化楊花縈夢滿
晴天迸竅春雷罵
醉眠李侯神清色
不動手敲茶雪落
輕烟相逢為樂談
草草竟欲携君卧
烟島城郭秋風白
鶴飛海上飡霞不
知老

杜陵昔年有茅屋
浣花溪邊錦江曲
古人不見春風來
桃李無言自山麓
石床蘚澁青泥乾
决渠流水夜

潺湲可憐寶劍埋黃土空餘山月照波濤今我不樂
空懷古短世長年誰比數花下那知李白來山鳥恣
歌童亦舞酒酣大笑五情熱作相形未築岩說夷齊
相逝居首陽逍遙采薇飽芳潔勿歌虞夏神農詩賢
愚等是百年期曾連取春亦蹈海咲爾局促商山芝
少文壁間對圖畫莫待老來誰命駕仰看翕忽浮雲
馳安得乘螭與之化漠漠楊花縈遠天迸怪昨雷驚
醉眠李侯神奕色不動手中茶雪落輕烟逢君此樂
誠草草便欲携君卧烟島海上千年白鶴飛世人胡

為而自老

送潭州管總管

翹翹文鷁飛渡淮歲幾五采下天階西_時昨夜雨初
過田父謳歌有好懷湘潭山色隨輕轂談咲來為此
州牧隔岸桐林散綺霞三月洞庭春水綠

題曹雲西畫松石

雲西老人子曹子畫手遠師韋與李衡門畫掩春長
閒搖毫動筆長風起葉巖戈法枝如籀倉石庚庚橫
玉理庭前落月滿長松影落吳松半江水

趙千里扇上寫山用鄭山人韻題

誰見解衣作盤礴卷懷雲烟歸掌握春雨冥冥江水
波竹間日暮衣裳零落王孫翰墨餘越王臺殿久
荒蕪要知人好畫亦好愛比當年屋上烏

鄭有道隱居梁鴻山因寄

伯鸞近在東山陞室無孟光唯兩兒草堂資煩工錄
事蓮社緣依逐法師迎我掃除松下雪因君赴寫壁
間詩便知從子逐真隱深谷紫芝堪療饑

題柯敬仲竹

誰能寫竹復書畫高趙之後文與蘇檢韻蕭蕭人品
係篆籀渾渾書法俱全光博士生最晚耽詩愛畫同
所趨興來揮洒出新意孰謂高趙先乎吾

江南曲

春風顛春雨急清泪泓泓江水濕落蕊辭枝悔何及
絲桐哀鳴亂朱碧差胡為客去鄉邑相如家徒四壁
立柳花入水化綠萍江波搖蕩心怔忡

賦耕雲

大茅峯前萬頃雲烟耕雨漑曉細縕也知神物無根

蒨誰種空山誰與耘
麥君茅屋當南便
開看陰晴玩其變
白鶴眠松夜夜歸
朝逐孤雲如匹練

汎滄浪

滄浪可濯纓
春雨看潮生
斲得木蘭槳
欲向桃源行
桃花源裏秦人住
花發綺霞明
處處何用文章寄
武陵時有漁郎自來去

對梓樹花

去年梓樹花開時
美人明璫坐羅帷
今年梓樹花如雪
美人死別已七月
梓花如雪不忍看
沉吟懷思淚

闌干鳴鳩乳燕共悲咽
柳綿風急烟漫漫

恒德堂

虛林閑石養黃寧
隱几逍遙遊玉京
怡然樂康息天
點良醫良相仙道并
厥施同仁而異名
沒身身存故
長生龍虎珮符鳳
皇翎出戲玄洲入
紫清一念不已
三千齡子能神視
虛幽貞觀恒斯見
天地情氣專志
一德乃恒

畫竹

吾友王翁字元舉
喚我濡豪畫繡楮
喬柯修竹蒼藓

石霜葉風梢碧滋雨湖州仙去三百禩坡翁高絕孰
與侶黃華父子亦間出氣粗惜產旃裘所本朝高趙
妙一世燕視子端少稱許薊丘黃岩笠墨間瑞鶴神
鸞競翔翥二公去後無復有谷鳥林鳥誰指數奎章
博士丹丘生木石負嶠能濡响道園歌咏譽丹丘坡
晚畫法難為語常形常理要玄解品藻固已英靈聚
少陵歌詩雄白代知畫曉書真謾與坡深書畫詩更
妙味永甘香試吮咀嗟余生後愛詩畫所恨遨遊不
從汝王翁好古已成癖說史談詩身欲羽吳江遇我

涕縱橫飯我羹芹一炊黍晚持此卷索塗抹醜婦為
嚙走隣女此詩此畫君勿咲焚棄筆硯當樽俎

贈季丙卿

季子蕭條千古心斷碑荒冢在江陰行人過客寧知
此春雨年年江水深家園正近延陵郭世遠義風猶
未薄獨識寒寥末泚孫種杏成林惟喜藥

題王元用秋水軒

秋水如玉涵綠蒲玉壺美酒清若無佳人倚窓調錦
瑟文君勸飲坐當壚昔年檀柳遶漢南樹今搖落人

何堪惟有年年秋水至翠烟石黛漾晴嵐開軒清映
臨秋水斜日荷花淡相倚凌波微步襪生塵交甫凝
情珮還委

賦清隱閣

爾營草閣名清隱著在輕鷗遠水邊春池覓句收思
爾挂板敲門忽繫船共賞竒文哦庾信更誇草聖法
張顛到此自忘歸興迤研雲歸馮古苔篇

題畫

橘窓春夜雨濕滌剪燭裁詩畫碧山迸水定侵林下

路蕙花委砌苔斑夢乘艇子清江濶坐聽橈聲暗
相揆未必漁翁似我閒棹歌不待鳴鳩聒

畫竹贈王允剛

子猷借地種修筠何可一日無此君葉籠書席搖翠
雨陰結香爐屯綠雲聞孫住近吳江渚二仲遨遊如
蔣詡置酒邀余寫竹枝隔竹庖人夜深語

次韻鶴詩

丹鳳歲徒何處歲翳茲天孫雲錦裳戛然長鳴引圓
吭晨飛岷峨暮良常玉笙寥寥珮琅琅千年仙驥時

歸翔步苔飲泉下
遙矚忽然不返歲月長
尔居雞羣獨仿惶
羽衣猶白木老蒼
蒼清都霄臺應已忘
啄腥吞腐塵土鄉
乘軒豈復思華陽
樊籠未離勿張皇

寫墨竹贈顧友善

顧伯末派隱君子
林居江濱古東里
澡身潔行讀書史
思友天下之善士
綠竹猗猗蔚材美
獨立不懼羣不倚
長吟揮毫為君起
寫其形模惟肖似
諒哉直清可以比

賦翠濤硯

岳翁嘗寶翠濤石
今我還玳翠濤硯
翠濤硯翠濤法
法生穀紋雲章龍文
發竒變米章硯山
徒自惜此硯顛
顛未曾見我初避
亂失神物玉蟾
滴淚空悽戀珠
還合浦乃有時洗
滌摩挲冰玉姿
書舟輕迅逐鳧
鷺喜出火宅臨
清漪松雲磨香
淬毛錐天影江
波碧滋一咏新
詩開我眉

康素子雜言一首

道德五千言
玄之而又玄
谷神不死曰
玄牝用之不
勤以綿綿
太原道士康
素子口講此
書手畫指猶
龍

之後有蒙莊迴薄宇宙有根柢胡蝶栩栩觀物化濠
魚洋洋樂何似壺丘弟子御風遊遊仍有待曷足恃
尻輪神馬鴻濛外恍惚杳冥隨所止此人之居隣太
清十二重樓臨五城千劫謂如一食頃不起于座空
飛行王喬鶴上吹玉笙食棗東海安期生雲車霓輶
到平地渴飲懸河又為傾大茅登雲二弟迎紫虛永
和傳玉經楊曦以授許長史玉斧清映道初成貞白
子微如日炯下巘萬壑春冥冥葛玄祭鍊匡廬頂滌
雷一聲眠鶴醒道陵章奏陽平治子孫繩繩祖武繼

重陽晚出金末裔全真尔名欽世世仰瞻在昔老莊
列近比肝膽遠胡越要知道不出智勇疾似秋空鷹
一撇素乎素乎尔隣乎道德而不孤凡夫皆具仙真
軀一扇仁風病即蘇

畫寄王雲浦

吳松江水漾春波江上歸舟發棹歌邀我江亭醉三
日鳳笙鸞吹拂雲和紛紛省署縻官讎老我澄懷倦
遊歷看君骨相自有仙故作長松挂青壁

趙榮祿馬圖

嘗聞唐開元時畫馬曹將軍妙合變化神紛紛少陵
為作歌其詞藹如雲又聞宋元祐之中李龍眠畫法
奄出將軍前蘇黃二子誇神駿險語驚飛蛟蟄困國
朝天馬來西極振鬣驚駘為辟易王尚學士寫真龍
筆陣長驅萬人敵學士歌詩清且腴當時作者數揚
虞畫成題咏兩奇絕價比連城明月珠吁嗟天馬天
一隅寶繪於今亡已矣學士多師內廐馬得法豈在
曹李下俗工未解知神妙此日罷駑遍區夏好事不
傳亦苦心誰為幽實伯牙琴獨悲蘭亭蠶紙隨零雨

轉覺臨寫紛紛費毫楮

贈丁醫士

泊舟風雨芙蓉城江上君山雲錦屏
我來已是千年後館主子孫猶識丁
丁君手鍊不死藥芙蓉仙人久
相約孤鰥七十老無家種杏春林看落花

寄徐元度

二月苦雨晝如晦閉戶獨眠無所為
黃鳥翻飛乍依竹櫻桃爛熳開滿枝
起覓杜康欲自慰坐無徐孺令人悲
春帆早晚江西去東湖宅前舟可維

送錢成大赴淮南

桐柏山高淮水濶道塗悠悠心忽忽大藩作鎮據西
淮公侯干城孰予越帶雨春潮送櫓聲淮山千里青
相迎隱居行義今寥落到已煩君訪蒼生

奉寄沈理問

紫霞虛皇之上清迢迢十二樓五城烟霧鹵扉烏為
使霞綃衣裳翠織成雲旂翠旂集真侶清露如鉛籠
玉宇回看人世萬虺蜴擾擾泥塗困雲雨騏驥繫足
鳴何饑黃鵠截翮不得飛杜鵑哀號鷓鴣泣苦竹嶺

頭無月輝可憐仙凡一塵隔哀樂紛綸殊不極人間
亦有學仙人神巫傲傲舞瑤席精靈翕忽虹影長觴
湛桂酒羞楓香雲情蛇局難為駐世味臙腥不足嘗
仙人舊亦人間住乘雲往列仙曹署願從帝所語悲
辛明良留心乃竒遇我聞天道自循環福善殃淫帝
或關令威亦成歸來願豈遂忘情出西閭

蟠螭一首

歲己亥春仲月之六日自寅迄酉震雷且雪甲辰暮
冬日癸卯蟠螭見為震陬飛龍挾雷震落景皎出月

老夫頻年熟灾異夏凄其風冬乃熱晝霧暝如夜淫
雨十旬決疾農不使憇殘喘志士不得安巖穴國之
祆疹古亦有十月震電天或隕石或雨血人君修德
灾可弭桑生于朝苾王業方今滔滔天下墊鋒鏑四
起羣豪傑孰能拯亂以為治嗜仁而不虐吁嗟斯民
命矣夫荼毒殘傷亦何辜

題畫贈呂彥貞

江上秋雨晴泊舟烟水汀孤吟誰和子悠悠蟬姑鳴
故人邀我留三宿豆畦蘿逕居幽歎松醪陸續酌山

瓢燈影縱橫寫風竹水光雲氣共悠悠鶴思鷗情樂
此留無褐無衣悲骭臙三沐三釁嘆伊優君自息機
江上住我且沿洄從此去面訖新詩草草裁眼底流
光水東注

賦許君震杏林小照

江上春雨歇喬柯散繁花開尊藉菡萏共醉仙人家
霽景麗華彩微波搖絳霞東風夜來急吹雪滿江沙
明朝古熟虎為守郊原綠遍聞鳴蛙

郭文顯善推人禍福神驗賦贈

昔者馬季主賣卜如京神郭君言禍福竒中季之倫
顧我年衰野而鷙尚復紛紛嬰世網為卜明年春水
生欲問桃源刺漁榜

姚節婦詩

節婦復節婦虔心良獸苦苟不義以生寧從義而死
荆南流水石齒齒寇辱形虧浣清泚妾可死不可辱
夫從父生先携女婦兮婦兮死所共使我感激涕洟
瀾古今出處多射利委身事國為會奸羸王易主意
未殫身沒令名生美官嗚呼史臣直筆古來少孤臣

直節令尤艱

李徵君將還揚州因言沈郎官吳中賦此以寄
二月桃始華淮南客還家
堦前練雨落堂上春衣薄
為言沈約在吳中玉壺青絲酒如空
春風相過蕙草綠芳菲滿堂樂未終

送潘生適越

鏡湖春水綠泫泫兩岸楊花飛白雲
落日繫舟微雨歇一壺濁酒飯香芹
嘉尔盛名年少得筆精墨妙比羊欣
日長高卧無餘事應有人書白練裙

秋鶴軒

開軒北郭名秋鶴鶴影翩翩向寥廓不見千年丁令
威悲嗟城郭是耶非紛紛霜葉飄庭樹苔色荒陰翳
烟霧草逕逶迤深樹中時有山僧自來去

送顧生歸四明

江上買舟歸曰明竹枝嫋嫋秋風生好營三釜為親
養此去千里飛雲情不移登第候厯至霧雨如晦晨
雞鳴舒王舊日宰邑處苔石縱橫湮姓名

題陳氏齋壁

慶爾茅齋少塵雜時來下帷清晝眠風流政使書裙
去嬾惰惟知坦腹便林間病鶴尚俛啄池上山雞徒
自憐何為當年種桃者移家偶脫區中緣

宿薩判官家聽琴

薩公能琴賢且文城闈一遇何懽忻高堂掃榻新雨
霽為鼓瀟湘之水雲竹林蕭瑟風嫋嫋山日掩靄波
泫泫曲終推琴意愈淡忍即別去隨飛蚊

十一日廿三日率性德原共載過林下而余適
不在遂返棹竟還明日詩來因次韻重邀之

雲林風雪德不孤指顧可求塗豈迂兩忘主賓政自
好一以禮法何其拘我方飄忽念歲月君乃踈豁笑
人奴再為理棹急相就放筆看寫狂遊圖

至正十三年三月四日同章鍊師過張先生山
齋壁間見柯敬仲墨竹因懷其人其詩文書畫
鑒賞古跡皆自許為當代所少狂逸有高海岳
之風但目力稍短耳今日乃可得耶

柯公鑒書奎章閣吟詩作畫亦不惡圖書寶玉尊鼎
解文彩珊瑚光錯落自許才名今獨步身後遺名將

誰託蕭蕭烟雨一枝寒呼爾同遊如可作

贈陸子華

為夢泖西春水綠二年不遇今乃復如來不三宿桑
下子華留我經旬宿東隣唯有沈休文文字詩篇與
討論時時亦復具雞黍未能厭飫嘉盤飧為君吐出
無味句歎爾網魚共濡煦不作卑卑兒女情仰天大
咲飄然去

贈顧宗之

輕薄紛紛新少年論詩作賦如湧泉為雲為雨手番

覆背面傾擗當面憐阿翁七十仍踰四與我同心生
並世高卧白雲滄絳露草堂門對靈巖寺

贈丘氏兄弟及周生

岑參兄弟皆好竒二丘那復論東西款門看竹我初
到置酒投轄烏欲棲掃壁寫圖觀落墨淪芹留坐綴
新題東風甚與周郎便桃李陰陰晝滿蹊

贈陶得和製墨

麋膠萬斤搗玄霜螺製初成龍井在悟得廷珪張遇
法古松烟細色蒼蒼桐花烟出潘衡後依舊升龍柳

枝瘦請看陶法妙非常一點濃雲瓊楮透

丙午十一月十九日避泖上丁未十二月十六

日始去此至陳溪分湖間吳因寫喬柯竹石并

詩

泖渚淹留再燠寒移居何處卜林巒可憐產不能恒
業聊復心隨所遇安船后派漸微浙浙葦間初日已
團團故人存沒應難訪愁裏題詩強自寬

倪雲林先生詩集卷之三

荆溪 寒 曦 朝陽編集

八世孫 理 重刻

五言律詩

與張貞居雲林堂宴集分韻得春字

青苔網庭除曠然無俗塵
依微樵逕接曲密農圃隣
鳴禽已變夏踈花尚駐春
坐對盈樽酒欣從心所親

用虞道園韻奉贈謝長源

公子太傅裔好於湖上居
卷簾微雨裏岸幘晚風餘

古刻秦斯篆玄經許疑書何嘗尋好事鼓柅及秋初
題張德常良常草堂

一室良常洞幽深古大茅風瓢元自寐畦甕不知勞
獸出逢騎虎初來學種桃還應白雲裏遲子共遊遨
翠壁隣丹竈青楓背草堂琴書聊卒歲麋鹿自成行
澗水流盃滑飛花入座香能無問津者及此繫舟航

贈王生蒙泉

曉鏡拂秋水晴簷度白雲青春去浩浩艷蕊落紛紛
道在形神掾心由瞭眊分君其慎語默世事豈余聞

俞子中見過

積雨衆芳歇新晴主綠陰獸眠方不悞多子復相尋
鳴鹿在春野啼鶯聞遠林余懷良已罄咏嘯罷清琴
賦平野

見話幽人屋荒城落日邊川途湯浩浩烟樹靄芊芊
野稻初收碧江魚上釣鮮何當剽沽酒直到爾門前
對雨次張貞居韻

戶庭來游絕園林飛雨滋芳氣初襲蕙園又復散池
裁書恐沾濕對溜謾懷思清溪已可汎方舟幸及茲

奉荅明卿先生

林霽去鶴唳孤烟原上村
稷澗綠雲滿換幘晴景暄
處和斯遺隘抱冲自寡言
君亦固窮節衆溺何當援
題張氏菴竹軒

高軒自虛曠幽竹亦蒼生
苔石寒依玉風泉夜奏笙
治冠輕可着醞酒綠因名
好折青鸞尾仙壇掃月明

遊善權洞

來窺善權洞一上李公樓
水映巖前引雲旌松際浮
然燈長不夜垂釣只虛舟
欲讀天朝刻真成冒雪遊

贈簡上人

初公經閣裏復遇簡禪師
好飲茅君酒狂吟杜牧詩
錢唐江上去楊柳花飛時
旣影青山隔依依夢見之
友人期過寺中不至

山寺擁爐夜風聲如怒濤
獨吟何水部還思王騎曹
曠達余所羨阻別心增勞
來茲慰幽寂輕舟幸即操
義興吳國良用桐烟製墨黑
而有光膠法又得其傳將遊吳中
以求售輒賦詩以速其行云

生住荆溪上桐花收夕烟
墨成羣玉秘囊售百金傳

孰謂奚珪勝徒稱潘公仙
老松端媿汝桐法更清妍
贈墨生

巖谷春風起桐花落澗紅
隔水輕烟發收煤石竈中
豹囊秘玄玉鷺池生白虹
湯生法潘谷千載事同風
題方厓墨蘭

蕭散重居寺春風蕙草生
幽林蒼蘚地綠葉紫瑤莖
早悟聞思入終由幻化成
虛空插不盡明月照敷榮
送徐元度還江西

悠悠西江水綿綿江上山
借問離羣鶴孤飛幾時還

白雪亦忌潔青雲安可攀
時時王子晉吹笙向人間

秋日贈張茂實

久客東海上秋風吹練裙
放言愛莊叟咲癖如綠雲
采藥清晨出哦詩靜夜聞
滄浪可濯足吾與爾為羣
悼耒高士

秋日高人逝微霜蕙草摧
鷺羣空碧沼鶴影自層臺
應御冷風出疑隨密霧來
杉松暮蕭瑟撫事有餘哀

雲槎軒

已比溝中蟻空思海上浮
隨雲秋汎汎貫月夜悠悠

無路通河漢，憑誰問女牛。漂搖非有待，吾道付滄洲。
寄王叔明

能詩何水部，愛石米南宮。允矣英才最，居然外祖風。
釣絲烟霧外，船影畫圖中。他日千金積，陶朱術偶同。
悼項山清上人

幽曠山中樂，飄飄物外踪。梵餘閑懋石，定起獨哦松。
花落春衣靜，雲垂澗戶重。依依種蓮處，林暝只聞鐘。
賦德機徵君荆南精舍圖

結廬溪水南，勝事足幽探。夏果足山雨，春衣染夕嵐。

石欹招鶴磴，門俯射蛟潭。日日縈歸夢，蕭條雪滿簷。
追次唐綦毋潛宿龍興寺詩韻寄方厓

無家何處歸，南渚有禪扉。湘簾閒秋水，池蓮墜羽衣。
硯池滋黯黯，竹露淨微微。秋燕情如客，攬君去槩飛。
又贈道益

昔者劉高士，匡山曾結廬。插籬培杞菊，克棟著圖書。
鶴影秋雲外，蛩吟夜雨餘。茂深繩祖武，息景在林居。
又贈道益并似陸明本

作賦雲間陸，能詩鄭下劉。悲秋多遠思，捩舵作清遊。

竹冷侵衣履窓虛見女牛燈前一盃酒漂泊更維舟
送宗天章歸廬山

屏風茅九疊歸伴鶴巢松五老峯前路東林寺裏鐘
宗雷憂入社陶謝莽遺踪我亦名山隱他年何處逢

贈公遠

霜葉落欲盡晚山看更青躡將沙際屐坐久水邊亭
俛仰已如夢漂搖同泛萍稻梁非所戀黃鵠思冥冥

寄道士王宗晉

王君舊隱地聞更結茅茨鶴斃春栽苧鷺羣雪泛池

時歌綠水曲不負碧山期夜雨生春草令人起夢思

寄剡九成

州府今為椽風埃多厚顏香芹渾淙澗去鶴未巢山
思逐春雲亂心隨野水閒章君應話我樗散碧巘間
邀張彥高

清風入庭戶野客意悠哉一與佳人別階前生綠苔
鬱鬱松陰晚悄悄竹扉開我有盈樽酒懸榻待君來
用韻重寄

山齋秋聽雨高卧與悠哉鹿飲荒池水蝸耕石逕苔

寶瑟芳塵滿臨尊詎忍開長吟我有待躡屩子能來
寄張德常

卜宅近溪西雲烟只尺迷晝眠同野鶴晨類候林雞
舊種松三逕春栽菊滿畦來禽與青李囊致不封題
三月十日義興工子明送竹筩賦詩

竹下拾烟筩筠籃初送將亭亭似三秀楚楚異衆芳
猶帶雨露氣更懷泉石鄉此日山中客筭歲得新嘗
高進道水竹居

我愛高隱士移家水竹邊白雲行鏡裏翠雨落階前

獨坐敷書席相過趁釣船何當重來此為醉酒如川

張天民溪亭

卷畫溪亭月當窓影更妍朱絃彈綠水細柳舞春烟
杜牧何年宅山僧栖夜禪張公一杯酒歎醉羲皇前
送王州明

連榻卧聽雨劇談清更真少年英邁氣求子不多人
仕祿豈云貴貝琛非所珍當希陋巷者樂道不知貧
積雨

積雨生朝菌微風墮碧蓮鷺池汲書水鶴帳理琴絃

履躡苔衣破窓承樹影圓空林無與語長夏曲肱眠
賦雪蓬

手把玉麈尾身披素綺裘梨花縈夜月柳絮入虛舟
不作饑鳶咏其如載酒游因懷剡溪興烟水暮悠悠
孤雲用王叔明韻

烟浦寒汀雨吳山楚水春絕無凝滯跡本是不羈人
鶴鶴同栖息蛟龍任屈伸自嗟猶有累斯世有吾身

二月十六日賦

白鶴烟霧遠滄洲雲海寬蘼蕪細雨濕桃李春風寒

沉憂鬱不鮮離緒杳無端還憶郊園集琴醞共清歡

寫山陰丘壑圖寄趙士瞻

吾愛趙徵士清才能逸羣昔營山陰宅今在吳松濱
月牖自理詠春羹偏美芹遠懷松上鶴寫寄嶺頭雲

賦雪舟

一舸星河渚空明玉氣浮懷仙李太白訪逵王子猷
月明如可掇曙光疑欲流銀屏雲母幃夢為笙鶴遊

題李遵道山居圖

披圖慘不樂日暮眇余思坐石看雲處空齋對榻時

世途悲荏若墨氣尚淋漓惆悵騎鯨客于今豈有之
寫秋林遠岫圖贈約齋因題

五言韋刺史此地數曾遊無復綠陰靜空悲紅樹秋
市聲晨浩浩雲影暮悠悠徵士冲襟勝邀余共茗甌
次韻酬荅謝參軍王長史

岩堯太華隱婉戀東山情學本猶龍老詩工阮步兵
心期流水遠世事浮雲輕公府饒才彥琅琅玉雪明
示病維摩室端居無俗情清齋久絕飲白首不論兵
露壁蛩吟切風林鶴骨輕何時王內史相見眼增明

贈友生

故人于靜遠訪我到南湖作黍親淪開筵酒屢沽
臨流同嘯咏剪燭尚歌呼長夜清無寐還為風竹圖
題畫

甫里林居靜江湖遠浸山漁舟衝雨出巢鶴帶雲還
漉酒松肪滑敷茵楮雪閑春風一來過似泊武陵灣

荒村

踽踽荒村客悠悠遠道情竹梧秋雨碧荷芰晚波明
穴鼠能人拱池鷺類鶴鳴蕭條阮遥集幾屐了餘生

七月十四日對雨一首

雨簷驚瀉瀑江漲忽通渠古砌羅秋草荒畦綴晚蔬
稍開雲表月還掩篋中書欲話幽貞意忘言已久如
寄虞子賢

天濶海漫漫崑山望眼寬桃源迷晉世松樹受秦官
雨蘚鹿迹遍霜梧鸞影寒封題數行字聊問竹平安

贈沈文舉

波光浮草閣苔色上春衣楊柳鶯啼邃櫻桃鳥啄稀
榮名非所慕登覽竟忘歸泐水宜修禊重来坐釣磯

為文舉畫泐山圖因題

華亭西畔路來訪舊時踪月浸半江水蓮開九朶峯
酒盃時可把林叟或相從興盡冷然去雲濤起壑松
已酉八月廿三日雨至廿六日乃開霽賦五言
呈德常

積雨琴絲緩泐堦蘚碧滋泥途方汨沒茅屋且棲遲
酒向隣家貰盃盃從野老持便應從此去海上候安期
徐伯樞歸耘軒

歸耘向何處近在東膠山白雲宿虛牖釣艇當荒灣

詩卷三
彈琴送落月濯纓弄潺湲寸日勿根莠所願勤治芟
用彞齋韻贈張韓二君

張仲情何厚韓康誼亦深賦詩論宿好聚首契初心
阮籍唯須酒陶潛不解琴與君忘爾汝蕭散鶴鳴陰

賦謝王彞齋

不面纔經宿題書細作行心親情戀戀事往意茫茫
酒榼浮松蘂羊腔截玉肪歌詩報佳貺期此共徜徉

次韻酬彞齋見詒二首

秋氣入幽居堦前樹影踈筋骸渾懶惰服食轉清虛

薄晚魚潛渚新晴溜繞除茯苓期共煮悵望苦吟餘
荆溪丘壑遠暇日得躋攀野客時相過高人意自閒
敲門看修竹卜宅近青山勝事今寧有幽吟一解顏
畫竹寄王彞齋

荆南山色裏翠竹密緣溪冉冉春烟薄冥冥暮雨迷
夢長蝴蝶化行遠鷓鴣啼舊日栽桃李清陰自滿蹊

聽雨

樓上看春雨玉笙悲遠天羊夷紅點筆芳草綠搖烟
冉冉侵書幌冥冥濕釣船新愁嫌點滴元不到鷗邊

畫寄王雲浦

蕭散賢公子，衡門似水清。
花間青鳥過，砌下綠苔生。
山色排簷入，江波照眼明。
開圖想幽境，欲為寫閒情。

雨凡

雨凡唯生睡，村醪不解愁。
泥塗深溺象，身世眇浮漚。
逕草紛披濕，林扉慘澹秋。
何人富春渚，五月披羊裘。

題丘氏壁

我愛丘君宅，蕭然隱者風。
石邊蒙細篠，井上植高桐。
墨沼鷺羣白，雲窓藥蕊紅。
咏歌當上巳，修禊樂融融。

三芳圖

丹桂月光落，倚蘭琴調清。
猷伶秋鶴瘦，相對夜江橫。
芳烈誰先後，才華孰重輕。
道心安有染，無物惱閒情。

畫江天晚色贈志學

不見呂君久，題詩懷不忘。
風聲渾落葉，山影半斜陽。
獨鶴來遲莫，孤帆出渺茫。
為圖秋色去，畱寄讀書堂。

桂花

桂花畱晚色，簾影淡秋光。
靡靡風還落，菲菲夜未央。
玉繩低缺月，金鴨罷焚香。
忽起故園想，冷然歸夢長。

言卷三
三
峇雲浦

尋真狎隱淪息景絕風塵屈子能安義陶公每任真
山中宜餌木江上憶羹蓴亦欲從栖遯柴車為爾巾
題墨竹贈李文遠

義興李文遠墨法似潘衡麋角膠偏勝桐花烟更清
紫雲腴泛泛玄璧理庶庚安得龍香劑霜枝寫月明

送僧

聞說四明道山川似若耶去依阿育塔還宿梵王家
望井封殘雪江船聚晚沙光公強健否持底作生涯

垂虹亭

虛閣春城外澄湖暮雨邊飛雲忽入戶去鳥欲窮天
林屋青西映吳松碧左連登臨感時物快吸酒如川
三月四日解迨德方郎官九成掾史於荆溪之
上相從及旬而別因九成徵余畫并賦詩為贈
剡掾學阮掾宛然西晉風百年聊復爾三語將無同
載酒來溪上看山入剡中孤帆逐雲影烟雨滿春空

又題畫贈九成

吳山春雨淨江渚暮潮平解纜欣初霽開帆已到城

剡君有高趣，樽酒慰閒情。醉吐真丘壑，毫端一咲成。
暮春期涉，徵君不至。

風林驚宿雨，澗戶落殘花。芳月忽已晚，幽期良恐賒。
黃鸝念求友，鸚鵡呼煮茶。猶候犢車至，心親寧憚遐。
寄徐仲清

巖谷採靈藥，蕭條栖逸情。白雲簷下宿，海鶴階前鳴。
燕俎登春菌，晨飧脯竹萌。詩憑五瀉水，好過蘭陵城。
送李徵君遊荆溪，因寄王司丞

何處尋狂客，故人王子猷。花落庭前樹，風吹溪上舟。

紫筍生春雨，綠蕈滿芳洲。心隨酒船發，悵望不能休。
題畫贈張玄度

蕭條江渚上，舟楫晚相過。卷幔吟青嶂，臨流寫白鷺。
壯心千里馬，歸夢五湖波。園石荒筠翳，風前悅浩歌。
玄度文學好學工，詞翰藹然如虹之氣。真江南澤
中千里駒也。十二月十四日，侍乃翁訪僕江渚，相
與話舊，踟躕深動故園之感。因想像喬木住石翳，
沒於荒筠草蓐之中，遂寫此意，并賦詩以贈焉。
為唐景工畫丘壑圖并賦

詩卷三
十四
丹經留玉斧真籙佩青童
蛻迹氛埃外怡情岩穴中
吹笙緱嶺月珎詠舞雩風
欲畫玄洲趣揮毫清興同
稽山草堂為韓致因賦

稽山讀書處應近賀公湖
礪月懸蘿鏡汀花落酒壺
賣藥入城市扁舟在菰蒲
逃名向深僻君豈伯休徒
五雲書屋

幽深隱者宅迢遞少微山
賀公鏡湖曲李白棹歌還
雨几研苔碧風軒江竹斑
韓衆近何似晏景白雲間
畫竹贈王光大

荆溪王隱士相見每從容
借地仍栽竹巢雲獨傍松
青苔盤石淨嘉樹綠陰重
約我同栖遁嵩高茅_第幾峯

題漁樵友卷

釣水復樵山逃名宇宙間
一篙春水淨半畝落花間
鷗鳥時親狎松雲共往還
厭聞塵世事緬邈不相關
題畫贈王仲和

曾住南湖宅于今已十年
焚筠還自翳喬木故依然
兩雜鳴渠溜雲連煮朮烟
何待重相過爛醉得佳眠
南湖陸玄素高士幽居今
王君仲和居之水木清

言卷三
十五
華戶庭幽邃余嘗寓其家四年翛然忘世慮也仲
和以此幘索畫竹石畫已并詩其上以寫惓惓之
懷玄素仲和外舅也故尤感余故人之思乙巳初
月十七日

荅光大

空谷枉嘉藻幽吟當稟秋詩鏗清廟瑟書聳屈盧矛
學業余多愧才華子猷優飛鸞天外羽斯世邈難儔
畫竹寄張天民

良常南洞口聞有掃塵齋竹影春當戶泉聲夜遶堦

自矜霜兔健安有魯魚乖截得青鸞尾因風寄好懷

題元朴上人壁

蕭條江上寺迢遞白雲橫坐待高僧久時聞落葉聲
鷗夷懷往事張翰有餘情獨掉扁舟去門前潮未生
挽張德常

孝弟由天性清貞有祖風宦遊江郭遠歸隱曲林通
嗜古真成癖歌詩信已工有才悲賈傳荏苒百年中

寄章心遠

江海章高士相違已半年青山雲冉冉白鶴影翩翩

言卷三
坐看神鰲抃行吟秋水邊何當拾瑤草遲子華山巔
寄張景昭

烟渚落日後風林清嘯餘輕舟下天際高人遺素書
笋脯炊菘米松醪薦菊菹子有林壑趣江海一胥踈

寄東白上人

楓林散霞綺湖水淡秋烟忽憶北麻漾初春掉酒船
羽客借鱸具高僧醉樓禪何時來甫里痛飲前

畫吳松山色贈潘以仁

吳松春水綠搖蕩半江雲嵐翠窓前落松聲渚際聞

潘郎狂嗜古容我醉書裙鼓柁他年去相從遠俗氛

贈友

父子相師友周南義理門阿翁如玉潔賢嗣似春温
舍後自生笋堂陰亦樹萱西山近在望靜默以忘言

贈陸隱君

甫里高人後風流有裔孫愛山仍愛畫留饌復留樽
每看雲眠石因尋竹款門今朝嵐翠濕應是雨翻盆

海



言考

一

